

شرقی آذربایجانین اوستانداری: تبریز-باکی رابطه‌لرین تقویت‌نین اولویتی وار

شرقی آذربایجانین اوستانداری اومیدوارلیق ایبراز ائله‌دی کی بو اوستانین ظرفیتلرین اۆلکه خاريجینده تانیتدیرماقلا, ایرانین خاريجی رابطه‌لری و مخصوصاً ایقتیصادی حوزه‌ده قونشو اۆلکه‌لرین چوخالا.

فارسین تبریزدن وئرديغی خبره گۆره, احمد علیرضاییگی شرقی آذربایجان و آذربایجان جومهوریسی آراسیندا رابطه‌لرین چوخاتماق ایجلا سیندا -کی جومهوری ایسلامی‌نین بو اۆلکه‌ده‌کی تازا سفیری‌نین حضوری‌این بو اۆلکه‌ده برگوزار اولونوردو- تبریز و باکی‌نین قدیم رابطه‌لرینه ایشاره ائله‌ماغینان دئدی: موختلیف زمینه‌لرده بو رابطه‌لری و همکارلیقلاری گوجلندیرماق, اوستان مودیریتی‌نین اولوتتینده‌دیر و بو زمینه آذربایجانلی طرفینن یاخجی موداکیره‌لر و پیغینچاقلار اولوب, او بونا ایشاره ائله‌ماغینان کی جومهوری ایسلامی و آذربایجانین همکارلیقلارکینن چوخالماسی هر ایکی طرفین منفعتینه‌دیر, دئدی: شرقی آذربایجان اۆلکه‌نین شیمال غرب صنعتی و علمی قوطبی کیمی ائله بیلر بو زمینه تعیین اندن همکارلیقلار ائله‌سین.

علیرضاییگی ایرانین قاپاقکی سفیر محمدباقر بهرامی‌نین زحمتلریندن قدردانلیق ائله‌ماغینان, موختلیف زمینه‌لرده آذربایجان جومهوریسی‌اینن رابطه‌لرین گئنیشلندیرماقدا شرقی آذربایجانین کامیل حاضرلیغینی اعلام ائله‌دی و آرتیردی: شرقی آذربایجانین ایجرائی دستگاهلاری و خصوصی بخشی حاضردی کی ایرانین باکیدکی سیفارتی‌اینن ایکی اۆلکه‌نین ایکی طرفلی رابطه‌لرین گوجلنمه‌سی اوچون همکارلیق ائله‌سین.

بو ایجلاسدا کی اوستاندارین برنامه‌ریزلیق موعاوینی و خاريجی ایشلری ویزارتی‌نین اوستانداکی نوماینده‌سی‌نین حضوری واریدی, ایقتیصادی و دارایی ایشلری, یول و شهر سالما, منطقه سوو, صنعت, معدن و تیجارت, حمل و نقل و ترمیناللار, گومروک ناظیرلری, تبریز و علوم پزشکی دانشگاهلاری‌نین رئیس‌لری و مودیرلری, و هاینله جلفا, خدآفرین فرماندارلاری و آراز آزاد تیجاری صنعتی منطقه‌نین موعاوینی آذربایجان جومهوریسی‌اینن رابطه‌لرین چوخالماسی باره‌ده نظرلرین دئدیلر.